

Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik

Att. Tilde Roland Høberg

23. september. 2021

Ilulissani 2021-mi qaammatit pingasukkaat sisamaanni qillerinernik qaartiterinernillu suliaqarnernut piffissamut pilersaarut pillugu

Aallaqqaasiut

VVM-mut akuersissuteqarnermi allassimavoq, *piffiissami sanaartorfiusumi qillerinernik qaartiterinernillu suliaqarnerit* ingerlanneqarnissaannut pingaarnernut piffissamut pilersaarummik suliaqartoqassasoq. Piffissamut pilersaarummi qaartiterinernik ingerlatassatut pilersaarutiginartut nassuiarneqassapput aammalu qaqqami qillerinernut aamma qaartiterinernut piffissat ilaatinneqassallutik. Pilersaarut qaammatinut pingasunut tullernut atuutissaaq aammalu qaartiterinernik suliaqarnerit ingerlatillugit, qaammatit pingasukkaarlugit nutarterneqartassalluni. Ilulissani innuttaasut pilersaarut pillugu paasisutissiivigineqassapput, taamaalillutik ingerlatassatut pilersaarutiginartut paasisimassallugit.

Allakkiaq manna 2021-mi qaammatit pingasukkaat sisamaanni qillerinernik qaartiterinernillu suliaqarnissanut pilersaarutiginartunut pingaarnertigut piffissamut pilersaarummik imaqarpoq. Kalaallit Airports qaammatit pingasukkaarlugit piffissamut pilersaarutinik naapertuuttunngortitsisarpoq, taamaattumik pilersaarut manna 2021-mi oktobarimut, novembarimut aamma ´decembarimut atuuppoq.

Ilanngussaq 1-imi ilanngunneqartumi suliniutip nunaminertaa tamarmiisoq takussutissiarineqarpoq, peqatigisaanillu 2021-mi qaammatit pingasukkaat sisamaanni sumiiffik qaartiteriviusussaq takutinneqarluni.

Sumiiffinnut qaartiteriviusussanut nunap assinga takussutissiaq

Suliassap nunaminertaa sumiiffinnut aggulunneqarluni, qaartiterinernik suliaqarnernut pingaarnernut pilersaarut, pingaartumik mittarfimmi ingerlatsinermit qaartiterinermi navianaateqartut iliuseqarfigineqarnissaannut tunngassuteqarput. Sumiiffinnut agguluneq KAIR-ip *entreprenørianit* pingaarnernit – Munck Gruppen A/S kiisalu Munck Civil Engineering A/S (Munck) – suliarineqarpoq aammalu qaartiterinernik ingerlataqarnissamut tunngatillugu suliassap nunaminertaata nunami sumiiffinnut aggulunneqarneranut takutitsilluni.

2021-mi qaammatit pingasukkaat sisamaanni qaartiterinernik suliaqarnerni, suliassap sumiiffianut sanaartornermi aqqusinissamik sananissaq kiisalu terminaleqarfimmi qaartiterinissaq siunertaavoq.

Qaartiterinernik ingerlataqarneq

Piffissami 22 - 07 qaartiterisoqartassanngilaq.

Qillerinernik suliaqarnerit 2021-mi qaammatit pingasukkaat sisamaanni qaartiterinissanut pilersaarummut atasut

Qillerinernik suliaqarnerit atasinngornermiit arfininngornermut, pisariaqarpallu sapaammi, ulloq unnuarlu ingerlanneqartarnissaat pilersaarutiginartarpoq.

Ilanngussaq 1 - Munck-ip 2021-mi qaammatit pingasukkaat sisamaanni qaartiterivissai.

